



სსიპ - დავით აღმაშენებლის სახელობის
საქართველოს ეროვნული თავდაცვის აკადემია



2026 - 2028 სასწავლო წლის
თავდაცვის ანალიზის სამაგისტრო საგანმანათლებლო
პროგრამის გზამკვლევი



სარჩევი

1. სამაგისტრო საგანმანათლებლო პროგრამის მიმოხილვა

- 1.1 სამაგისტრო პროგრამის ზოგადი აღწერილობა
- 1.2 სამაგისტრო პროგრამის სასწავლო კურსები
- 1.3 სამაგისტრო პროგრამის მიზანი
- 1.4 სამაგისტრო პროგრამის აქტუალობა
- 1.5 სამაგისტრო პროგრამაზე დასწრების მეთოდი

2. სამაგისტრო საგანმანათლებლო პროგრამაზე ჩარიცხვის წინაპირობა

- 2.1 შესარჩევი კანდიდატები
- 2.2 სამაგისტრო პროგრამაზე ჩარიცხვა
 - 2.2.1 სამაგისტრო პროგრამაზე ჩარიცხვის ეტაპები
 - 2.2.2 სამაგისტრო პროგრამის კვოტები

3. შეფასების სისტემა

4. სამაგისტრო საგანმანათლებლო პროგრამის დასრულების შემდეგ კურსდამთავრებულთა შესაძლებლობები

5. დასაქმების სფერო

6. სწავლის გაგრძელების შესაძლებლობა



1. სამაგისტრო საგანმანათლებლო პროგრამის მიმოხილვა

1.1. სამაგისტრო საგანმანათლებლო პროგრამის ზოგადი აღწერილობა:

- სამაგისტრო საგანმანათლებლო პროგრამის დასახელება: **თავდაცვის ანალიზი/ Defence Analysis**
- სამაგისტრო საგანმანათლებლო პროგრამა შედგება 2 ნაწილისგან:
 - I ნაწილი - მისანიჭებელი კვალიფიკაცია: თავდაცვის ანალიზის მაგისტრი / **Master of Defence Analysis;**
 - II ნაწილი - კვლევის მაგისტრი თავდაცვის ანალიზში / **Master of Research (MRes) in Defence Analysis.**
- პროგრამის საერთო მოცულობა კრედიტებით: **120 ECTS კრედიტი**, მათ შორის:
 - I ნაწილი - 60 ECTS კრედიტი;**
 - II ნაწილი - 60 ECTS კრედიტი.**

- პროგრამის ხანგრძლივობა:

ნაწილი I - 1 (ერთი) წელი - 2 სემესტრი. ნაწილი I პირველ და მეორე სემესტრებში სწავლება მიმდინარეობს რეზიდენტულად - საჯარო მოხელეებზე მორგებული ჰიბრიდული სწავლების რეჟიმით (სწავლება მიმდინარეობს, როგორც აუდიტორიებში, ასევე აკადემიაში არსებული ელექტრონული სასწავლო პლატფორმების გამოყენებით).

ნაწილი II - 1 (ერთი) წელი - 2 სემესტრი. ნაწილი II , პირველ სემესტრში სწავლება მიმდინარეობს რეზიდენტულად - საჯარო მოხელეებზე მორგებული ჰიბრიდული სწავლების რეჟიმით (სწავლება მიმდინარეობს, როგორც აუდიტორიებში, ასევე აკადემიაში არსებული ელექტრონული სასწავლო პლატფორმების გამოყენებით), ხოლო მე-2 სემესტრში - არარეზიდენტულად (დაუსწრებელი).

1.2. სამაგისტრო საგანმანათლებლო პროგრამის შემადგენელი სასწავლო კურსები:

1.2.1. ნაწილი I

სავალდებულო სასწავლო კურსები:

1. აკადემიური წერა მაგისტრანტებისთვის;
2. თავდაცვა და ეროვნული უსაფრთხოება;
3. სამხედრო სტრატეგიული ანალიზი;



4. ომებისა და სამხედრო ხელოვნების ისტორია;
5. ევროკავშირის საგარეო და უსაფრთხოების პოლიტიკა;
6. სამხედრო ლიდერობა;
7. „ხისტი“ და „რბილი“ ძალა საერთაშორისო ურთიერთობებში;
8. თავდაცვის მენეჯმენტი.

არჩევითი სასწავლო კურსები:

1. მენეჯმენტის (მართვის) ფსიქოლოგია;
2. სამხედრო მზადყოფნა: კონცეფციები, არჩევანი, შედეგები;
3. დაზვერვა და ინფორმაციის ანალიზი;
4. ტერორიზმი;
5. საერთაშორისო ჰუმანიტარული სამართალი;
6. საჯარო ფინანსები და უსაფრთხოების სექტორი;
7. გეოპოლიტიკა;
8. „რუხი ზონები“ და საერთაშორისო უსაფრთხოების გამოწვევები.

1.2.2 ნაწილი II

სამაგისტრო საგანმანათლებლო პროგრამის შემადგენელი სასწავლო კურსები:

სავალდებულო სასწავლო კურსები:

1. კვლევის მეთოდები და დიზაინი;
2. საგარეო პოლიტიკის ანალიზი;
3. საერთაშორისო კონფლიქტები;
4. ომის ტრანსფორმაცია - ჰიბრიდული და ასიმეტრიული ომები;
5. სამაგისტრო ნაშრომი.

არჩევითი სასწავლო კურსები:

1. საქართველოს ახალი და უახლესი სამხედრო ისტორია;
2. შავი ზღვის რეგიონის უსაფრთხოება;
3. სამშვიდობო პროცესები;
4. რეგიონალური უსაფრთხოება.



1.3. სამაგისტრო საგანმანათლებლო პროგრამის მიზანი

პროგრამის მიზანია სიღრმისეული ცოდნისა და პროფესიული უნარ-ჩვევების მქონე სამხედრო და სამოქალაქო მაღალკვალიფიციური კადრების მომზადება, რომლებსაც უსაფრთხოების ცვალებადი გარემოს პირობებში:

- ექნებათ ღრმა და სისტემური ცოდნა თავდაცვის კონცეფციებისა და თეორიების შესახებ (I - II ნაწილი);
- მონაწილეობას მიიღებენ სამხედრო პოლიტიკისა და თავდაცვითი სტრატეგიის დახვეწასა და მათ სათანადო განხორციელებაში (I - II ნაწილი);
- შეეძლებათ სამხედრო ოპერაციების/კამპანიების მომზადება, დაგეგმვა და აღსრულებაში მონაწილეობის მიღება (I - II ნაწილი);
- შეეძლებათ მუშაობა ხელმძღვანელ თანამდებობებზე თავდაცვის სფეროს ფართო სპექტრში, როგორც ეროვნულ, ასევე საერთაშორისო დონეზე (I - II ნაწილი);

სფეროს საერთაშორისო სტანდარტების გათვალისწინებით, პროგრამა მაქსიმალურადაა პრაქტიკაზე და კარიერულ პროგრესზე ორიენტირებული და მოწოდებულია მსმენელისთვის ისეთი ცოდნისა და უნარ-ჩვევების მიწოდებაზე, რომლებიც ადეკვატურად პასუხობს თანამედროვე უსაფრთხოების სფეროსა და ქმნის საზოგადოების განვითარების წინაპირობას (I - II ნაწილი).

1.4. სამაგისტრო საგანმანათლებლო პროგრამის აქტუალობა

თავდაცვის ანალიზის სამაგისტრო საგანმანათლებლო პროგრამის შეთავაზების მიზეზია საქართველოს თავდაცვისა და უსაფრთხოების სექტორში მზარდი მოთხოვნილება მაღალკვალიფიციურ ანალიტიკოსებსა და სტრატეგიული აზროვნების მქონე ლიდერებზე, რომლებსაც გააჩნიათ თავდაცვის ანალიზის სფეროს სიღრმისეული და სისტემური თეორიული ცოდნა და მტკიცებულებებზე დაფუძნებული კვლევის, აკადემიური სტანდარტების შესაბამისად დასკვნებისა და პოლიტიკის რეკომენდაციების ფორმულირების პრაქტიკული უნარები.

პროგრამა ორიენტირებულია თანამედროვე უსაფრთხოების გამოწვევებზე, ქმნის საფუძველს თავდაცვის ანალიზის სფეროში ექსპერტიზის გრძელვადიანი განვითარებისთვის და უზრუნველყოფს უსაფრთხოების სექტორის ინტელექტუალური პოტენციალის მდგრად ზრდას (I ნაწილი).



პროგრამა ფოკუსირებულია დამოუკიდებელი კვლევის სრულ ციკლზე, რაც მსმენელს აკადემიური და პრაქტიკული კომპეტენციების რეალიზების შესაძლებლობას აძლევს. პროგრამის ორივე ნაწილი შესაბამისობაშია საქართველოს თავდაცვის სამინისტროში არსებულ კარიერული წინსვლის და უფროს ოფიცერთა შემადგენლობის სამხედრო წოდებრივი და თანამდებობრივი დაწინაურების სისტემასთან (II ნაწილი).

1.5. სამაგისტრო საგანმანათლებლო პროგრამაზე დასწრების მეთოდი

1.5.1. სამაგისტრო საგანმანათლებლო პროგრამის I ნაწილის ორივე და II ნაწილის 1-ლი სემესტრების განმავლობაში სწავლა მიმდინარეობს ჰიბრიდული სწავლების (როგორც აუდიტორიებში, ასევე სხვადასხვა სასწავლო პლატფორმების გამოყენებით) მეთოდით, რომელიც წარმოადგენს საჯარო მოსამსახურეებისათვის ოპტიმალურად მორგებულ სწავლების რეჟიმს.

1.5.2. სემესტრის განმავლობაში სალექციო პროცესი მიმდინარეობს შემდეგი თანმიმდევრობით:

- ძირითადი სასწავლო კურსები (დღეში 2 სასწავლო კურსი) მიმდინარეობს სასწავლო კვირის პარასკევს და შაბათ დღეს. საპატიო მიზეზის არსებობის შემთხვევაში მსმენელებს შესაძლებლობა აქვთ დაესწრონ ლექციებს აკადემიაში არსებული ელექტრონული სასწავლო პლატფორმების გამოყენებით.
- არჩევითი სასწავლო კურსები ტარდება კვირის სამუშაო დღეებში (ორშაბათი, ხუთშაბათი), დღის სამუშაო საათების დასრულების შემდგომ (18:00 საათის შემდეგ) ჰიბრიდული სწავლების მეთოდის შესაძლებლობით.

1.5.3. სამაგისტრო პროგრამის II ნაწილის მე-2 სემესტრში მსმენელები ხელმძღვანელის/თანახელმძღვანელის მენტორობით) დამოუკიდებლად მუშაობენ სამაგისტრო ნაშრომზე, დაუსწრებელ რეჟიმში.

2. სამაგისტრო საგანმანათლებლო პროგრამაზე ჩარიცხვის წინაპირობა

2.1. შესარჩევი კანდიდატები:

- პროგრამაზე სწავლის მსურველებს უნდა ჰქონდეთ მინიმუმ ბაკალავრის ან მასთან გათანაბრებული აკადემიური ხარისხი;
- საქართველოს თავდაცვის სამინისტროს სისტემის სამხედრო მოსამსახურე,



სამოქალაქო და სახელმწიფო სპეციალური წოდების მქონე მოსამსახურე პირები;

- პროგრამაზე ასევე დაიშვებიან უსაფრთხოების სექტორის და სახელმწიფო სტრუქტურების მოქმედი თანამშრომლები;
- საქართველოს მოქალაქეობის მქონე სამოქალაქო პირები.

2.2. სამაგისტრო საგანმანათლებლო პროგრამაზე ჩარიცხვა

2.2.1 სამაგისტრო საგანმანათლებლო პროგრამაზე ჩარიცხვის ეტაპები

პროგრამის I ნაწილზე ჩასარიცხად კანდიდატებმა:

- უნდა განახორციელონ ერთიანი ეროვნულ გამოცდებზე რეგისტრაცია 2026 წლის 6 აპრილიდან 11 მაისის ჩათვლით (ერთიანი ეროვნული გამოცდების საერთო სამაგისტრო გამოცდისათვის რეგისტრაცია მიმდინარეობს online, შეფასებისა და გამოცდების ეროვნული ცენტრის ვებგვერდზე www.naec.gov.ge; online.naec.ge. ზუსტი ინფორმაცია საჭირო ქმედებების შესახებ განთავსებული იქნება ცენტრის ვებ - გვერდზე);
- წარმატებით უნდა ჩააბარონ ერთიანი ეროვნული გამოცდების საერთო სამაგისტრო გამოცდა;
- წარმოადგინონ ინგლისური ენის ცოდნის B2 (NATO-ს სტანდარტი STANAG 2/2/2/2) დონის დამადასტურებელი დოკუმენტი ან ჩააბარონ აკადემიის მიერ ორგანიზებულ ინგლისური ენის გამოცდა .

შენიშვნა: STANAG 2/2/2/2 (სტანაგის თაობაზე ინფორმაცია იხილეთ თავდაცვის სამინისტროს ინტერნეტ გვერდზე - <https://mod.gov.ge/ge/page/116/stanag-6001> ან თავდაცვის სამინისტროს შიდა პორტალზე - pd-mil.ge/english-text).

კანდიდატს ენის ცოდნის დასადასტურებლად შეუძლია წარმოადგინოს ენის ცოდნის შესაბამისი დონის დამადასტურებელი სერტიფიკატი მინიმუმ CEF B2 (ან შესაბამისი დონის TOEFEL/ILTS/ECL ან სხვა საერთაშორისო ინგლისური ენის გამოცდა) ან წარმოადგინონ დიპლომი/სერტიფიკატი, რომელიც ადასტურებს, რომ გავლილი აქვთ ინგლისურენოვანი უმაღლესი საგანმანათლებლო პროგრამა ან სამხედრო საკარიერო კურსი (CCC, CGSC, WAR COLLEGE და ა.შ.);



წარმატებით უნდა ჩააბარონ მისაღები გამოცდა სპეციალობაში (მისაღები გამოცდის თემატიკა გამოქვეყნდება აკადემიის ვებ-გვერდზე შიდა გამოცდის თარიღამდე ორი კვირით ადრე).

- სამაგისტრო გამოცდების ჩაბარების გარეშე მაგისტრანტობის კანდიდატები საგანმანათლებლო პროგრამაზე ირიცხებიან მოქმედი კანონმდებლობის შესაბამისად.

ნაწილი - II

(საქართველოს განათლების, მეცნიერებისა და ახალგაზრდობის მინისტრის 2026 წლის 15 მაისის N 65/ნ ბრძანების თანახმად).

- პროგრამის 60 კრედიტის მოცულობის პირველ ნაწილზე სამაგისტრო გამოცდებით ჩარიცხული პირი, რომელიც დაასრულებს აღნიშნულ ნაწილს, უფლებამოსილია სამაგისტრო გამოცდების ჩაბარების გარეშე გააგრძელოს სწავლა აკადემიის არანაკლებ 120-კრედიტიანი იმავე პროგრამის 60 კრედიტის მოცულობის მეორე ნაწილზე, თუ პირველ ნაწილზე ჩარიცხვიდან არ არის გასული 5 წელი. აღნიშნული ვადის გასვლის შემდეგ, არანაკლებ 120 კრედიტიანი იმავე პროგრამის 60 კრედიტის მოცულობის მეორე ნაწილზე ჩარიცხვისთვის, პირი ვალდებულია ჩააბაროს სამაგისტრო გამოცდა.
- სხვა უმაღლესი საგანმანათლებლო დაწესებულების არანაკლებ 120-კრედიტიან იმავე სამაგისტრო საგანმანათლებლო პროგრამის 60 კრედიტის მოცულობის მეორე ნაწილზე ჩარიცხვისთვის პირი, რომელმაც დაასრულა უმაღლესი საგანმანათლებლო დაწესებულების არანაკლებ 120-კრედიტიანი სამაგისტრო საგანმანათლებლო პროგრამის 60 კრედიტის მოცულობის პირველი ნაწილი, ვალდებულია ჩააბაროს სამაგისტრო გამოცდა.

შენიშვნა: პროგრამის I და II ნაწილებზე სამაგისტრო გამოცდების გავლის გარეშე პირი ირიცხება საქართველოს მოქმედი კანონმდებლობის შესაბამისად.



2.2.2. სამაგისტრო საგანმანათლებლო პროგრამის კვოტები:

სამაგისტრო საგანმანათლებლო პროგრამის I და II ნაწილებზე, თითოეული სასწავლო წლისთვის ცალ - ცალკე განსაზღვრულია 20 მისაღები ადგილი, რომლებიც გადანაწილებულია შემდეგნაირად:

- საქართველოს თავდაცვის სამინისტროს სისტემის სამხედრო მოსამსახურეები, საქართველოს თავდაცვის სამინისტროს სისტემაში შემავალი სამოქალაქო და სპეციალური წოდების მქონე პირები - **10 მისაღები ადგილი;**
- საქართველოს სახელმწიფო უწყებების მოქმედი თანამშრომლები - **5 მისაღები ადგილი;**
- სამოქალაქო პირები - **5 მისაღები ადგილი.**
- შერჩევის პროცესში პრიორიტეტი მიენიჭება საქართველოს თავდაცვის სამინისტროს სისტემის ოფიცერთა, სპეციალური წოდების მქონე და სამოქალაქო პირად შემადგენლობას.
- თუ სამხედრო/სამოქალაქო მოსამსახურეების რაოდენობა აღემატება პროგრამისათვის არსებული ადგილების რაოდენობას, მისაღები გამოცდის შედეგების მიხედვით შექმნილი რეიტინგის შესაბამისად, პროგრამაზე ჩაირიცხება უფრო მაღალი მაჩვენებლის მქონე სამხედრო/სამოქალაქო მოსამსახურე.
- რომელიმე სახელმწიფო უწყებიდან კანდიდატის არ არსებობის ან საგამოცდო მინიმუმის ვერ გადალახვის შემთხვევაში მათი კვოტა დაემატება თავდაცვის სამინისტროს (მისაღები გამოცდის შედეგების მიხედვით შექმნილი რეიტინგის შესაბამისად, კურსზე ჩაირიცხება უკეთესი შეფასების მაჩვენებლის მქონე სამხედრო მოსამსახურე).
- პროგრამის I და II ნაწილებზე სამაგისტრო გამოცდების გავლის გარეშე პირი ირიცხება საქართველოს მოქმედი კანონმდებლობის შესაბამისად.

შენიშვნა: მსმენელთა ჩასარიცხ ადგილებზე კვოტების განაწილება რეგულირდება საქართველოს თავდაცვის მინისტრის ინდივიდუალურ - სამართლებრივი აქტით.

3. შეფასების სისტემა

თავდაცვის ანალიზის სამაგისტრო საგანმანათლებლო პროგრამის მსმენელის ცოდნის



შეფასება ხდება „უმაღლესი საგანმანათლებლო პროგრამების კრედიტების გაანგარიშების წესის დამტკიცების შესახებ“, საქართველოს განათლებისა და მეცნიერების მინისტრის 2007 წლის 5 იანვრის N3 ბრძანების შესაბამისად. მსმენელთა დატვირთვა მოიცავს: ლექციაზე, სემინარზე დასწრებას, სამუშაო ჯგუფში მუშაობას, პრაქტიკულ მეცადინეობას, დამოუკიდებელ მუშაობას, სამეცნიერო-კვლევით კომპონენტზე (სამაგისტრო ნაშრომი და სხვ.) მუშაობას, სამაგისტრო ნაშრომის დაცვას, სხვა სახის საქმიანობას სამაგისტრო საგანმანათლებლო პროგრამის სპეციფიკიდან გამომდინარე.

შეფასების სისტემა ითვალისწინებს ხუთი სახის დადებით შეფასებას:

- ა) (A) ფრიადი – შეფასების 91-100 ქულა;
- ბ) (B) ძალიან კარგი – მაქსიმალური შეფასების 81-90 ქულა
- გ) (C) კარგი – მაქსიმალური შეფასების 71-80 ქულა;
- დ) (D) დამაკმაყოფილებელი – მაქსიმალური შეფასების 61-70 ქულა;
- ე) (E) საკმარისი – მაქსიმალური შეფასების 51-60 ქულა;

არსებობს ორი უარყოფითი შეფასება:

- ა) (FX) ვერ ჩააბარა – მაქსიმალური შეფასების 41-50 ქულა რაც ნიშნავს, რომ მსმენელს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;
- ბ) (F) ჩაიჭრა – მაქსიმალური შეფასების 40 ქულა და ნაკლები, რაც ნიშნავს, ჩაიჭრა. მაგისტრატურის მსმენელის სტატუსის შეწყვეტის საკითხს განიხილავს აკადემიური საბჭო.

მაგისტრატურის მსმენელს უფლება აქვს გავიდეს დამატებით გამოცდაზე სასწავლო კურსში - FX-შეფასების მიღების შემთხვევაში დასკვნითი გამოცდის შედეგების გამოცხადებიდან არანაკლებ 5 დღეში.

მაგისტრატურის მსმენელთა ცოდნის შეფასების პროცესში გამოყენებული შეფასების მეთოდები სრულ შესაბამისობაშია როგორც მთლიანად პროგრამით, ისე მისი ცალკეული კომპონენტით განსაზღვრულ სწავლის შედეგებთან, დარგობრივ და ზოგად (ტრანსფერულ) კომპეტენციებთან. შეფასების კომპონენტები და კრიტერიუმები გაწერილია ცალკეული სასწავლო კურსის სილაბუსში.

მაგისტრატურის მსმენელთა ცოდნის შეფასება ხდება 100 - ქულიანი სისტემით.



შეფასება ითვალისწინებს: შუალედურ და დასკვნით შეფასებებს, რომელთა ჯამი წარმოადგენს საბოლოო შეფასებას; შეფასების თითოეულ ფორმასა და კომპონენტს შეფასების საერთო ქულიდან (100 ქულა) განსაზღვრული აქვს ხვედრითი წილი. შეფასების კომპონენტები, მეთოდები და კრიტერიუმები გაწერილია საგანმანათლებლო პროგრამის სილაბუსებში.

დასკვნით გამოცდაზე გასვლის უფლება ეძლევა მაგისტრატურის მსმენელს, რომელსაც შუალედური შეფასებებისა და დასკვნითი გამოცდის მაქსიმალური ქულის გათვალისწინებით უგროვდება 51 ქულა.

პროგრამების სასწავლო კომპონენტებში შუალედური და დასკვნითი შეფასებისა და შუალედური შეფასების კომპონენტების მინიმალური კომპეტენციის ზღვრის ხვედრითი წილია 51%. სამაგისტრო ნაშრომი ფასდება ერთჯერადად (დასკვნითი შეფასებით). დასკვნითი შეფასება მოიცავს სამაგისტრო ნაშრომის ხელმძღვანელის შეფასებას (20 ქულა), რეცენზენტის შეფასებას (30 ქულა) და სამაგისტრო ნაშრომის შეფასებას საჯარო დაცვაზე (50 ქულა).

კრედიტის მიღების მოთხოვნაა მაქსიმალური (100) ქულიდან 51 ქულის ან მეტის მიღება.

სამაგისტრო ნაშრომის დაცვამდე მაგისტრატურის მსმენელმა უნდა შეასრულოს შემდეგი აქტივობები:

- მოამზადოს მინიმუმ 1 პუბლიკაცია და გამოაქვეყნოს სამეცნიერო ჟურნალში;
- ან მონაწილეობა მიიღოს მინიმუმ 1 სტუდენტურ სამეცნიერო კონფერენციაში.

4. სამაგისტრო საგანმანათლებლო პროგრამის დასრულების შემდეგ კურსდამთავრებულთა შესაძლებლობები:

სამაგისტრო საგანმანათლებლო პროგრამის კურსდამთავრებულს აქვს შემდეგი ზოგადი (ტრანსფერული) და დარგობრივი კომპეტენციები:

- კრიტიკულად განიხილავს სამხედრო ლიდერობაში არსებულ თანამედროვე მიდგომებს (I ნაწილი);
- სიღრმისეულად იაზრებს თავდაცვის ანალიზის, ეროვნული თავდაცვის პოლიტიკის



- და საგარეო პოლიტიკის ძირითად პრინციპებს, თავდაცვის კონცეფციებს და თეორიებს, რაც მისცემს მათ შესაძლებლობას იმსჯელონ, განიხილონ და მონაწილეობა მიიღონ ახალი მიდგომებისა და კონცეფციების შემუშავების პროცესში (I - II ნაწილი);
- სისტემურად აღწერს თავდაცვის ანალიზისა და ეროვნული თავდაცვის პოლიტიკის ძირითად პრინციპებს (I - II ნაწილი);
- სამხედრო ინტერვენციის, ოკუპაციის და ანექსიის შესახებ მიღებული ღრმა ცოდნის საფუძველზე გადმოსცემს ომებისა და სამხედრო ხელოვნების ისტორიის არსს, თანამედროვე საბრძოლო ტაქტიკას და სტრატეგიას, ახდენს საქართველოს უახლესი ისტორიის საკითხების ილუსტრირებას სამხედრო-პოლიტიკურ ასპექტში (I - II ნაწილი);
- ურთიერთკავშირებს თავდაცვის ძალების რესურსების დაგეგმვას, ბიუჯეტირებას და პროგრამირებას (I ნაწილი);
- არჩევს შესაფერის მეთოდებს ეროვნული უსაფრთხოების საკითხების ანალიზისთვის (I - II ნაწილი);
- კრიტიკულად აანალიზებს რეგიონული და საერთაშორისო უსაფრთხოების ასპექტებს (I - II ნაწილი);
- ახდენს თავისი დასკვნების, არგუმენტაციისა და კვლევის მეთოდების ჩამოყალიბებას აკადემიურ თუ პროფესიულ საზოგადოებასთან, აკადემიური კეთილსინდისიერების სტანდარტებისა და საინფორმაციო-საკომუნიკაციო ტექნოლოგიების მიღწევათა გათვალისწინებით (I - II ნაწილი);
- ახდენს, ამოცანით მართვის ფილოსოფიის ინტეგრირებას სამხედრო ლიდერობაში (I ნაწილი);
- გეგმავს საკუთარი და სხვების პროფესიულ განვითარებას, რითაც ხელს უწყობს პროფესიული ცოდნის აკუმულირებას (I - II ნაწილი);
- დამოუკიდებლად წარმართავს საკუთარი სწავლის პროცესს (I - II ნაწილი).

5. დასაქმების სფერო

სსიპ - დავით აღმაშენებლის სახელობის საქართველოს ეროვნული თავდაცვის აკადემიის დამკვეთია საქართველოს თავდაცვის ძალები და საქართველოს თავდაცვის სამინისტრო.



კურსდამთავრებულები დასაქმდებიან სტრატეგიულ პოლიტიკურ სფეროში, მრჩეველთა პოზიციებზე, თავდაცვის სამინისტროს, საგარეო საქმეთა სამინისტროს და თავდაცვასა და უსაფრთხოებასთან დაკავშირებულ სხვა დაწესებულებებში. სამხედრო სექტორთან ერთად, კურსდამთავრებულებს შეუძლიათ დასაქმდნენ/დაწინაურდნენ სამოქალაქო სექტორშიც: სახელმწიფო და კერძო ორგანიზაციებში, რომელიც სპეციალიზებულია მიმართულებების დადგენასა და განხორციელებაში: თავდაცვის უსაფრთხოების საკითხებში, კონტრტერორისტულ პოლიტიკაში და სხვა.

კურსდამთავრებულებს შეეძლებათ ეროვნული თავდაცვის საკითხების, თავდაცვის უსაფრთხოების კვლევებისა და პოლიტიკური კვლევების განხორციელებაში მონაწილეობა და იმ ძირითად სფეროებში მუშაობა, სადაც ორიენტაცია აღებულია ეროვნულ უსაფრთხოებაზე, უსაფრთხოებისა და თავდაცვის მიმართულების ჩამოყალიბებასა და განხორციელებაზე.

6. სწავლის გაგრძელების შესაძლებლობა

პროგრამის I ნაწილის კურსდამთავრებულს საშუალება აქვს სწავლა გააგრძელოს სამაგისტრო საგანმანათლებლო პროგრამის II ნაწილზე (როგორც აკადემიაში, ასევე სხვა უსდ-ში საქართველოს მოქმედი კანონმდებლობის შესაბამისად).

პროგრამის II ნაწილის კურსდამთავრებულს შეუძლია სწავლის გაგრძელება აკადემიური უმაღლესი განათლების მესამე საფეხურზე - დოქტორანტურაში როგორც საქართველოში, ისე საზღვარგარეთ.

საკონტაქტო პირები:

მაგისტრატურის ხელმძღვანელი

პოლკოვნიკი ირაკლი უჩაძე,

ელ ფოსტა: iuchadze@eta.edu.ge;

ტელ: +995 577 19 19 80

თავდაცვის ანალიზის მიმართულების უფროსი

ვიცე - პოლკოვნიკი ივანე ოქრომჭედლიშვილი

ელ. ფოსტა: iokromchedlishvi@mod.gov.ge;

ტელ: +995 577 19 39 99